

四庫全書

集部

欽定四庫全書

集部

漁洋詩話卷上

詳校官監察御史<sub>臣</sub>劉人睿

侍讀<sub>臣</sub>孫球覆勘

覆校官侍講<sub>臣</sub>張燾

校對官中書<sub>臣</sub>孫球

謄錄監生<sub>臣</sub>陸費鑒

欽定四庫全書

集部九

提要

漁洋詩話

詩文評類

臣等謹案漁洋詩話三卷

國朝王士禎撰士禎論詩之語散見於所著池北偶談諸書中未有專帙張潮輯

昭代叢書載漁洋詩話一卷實所選古詩凡例非士禎意也是編乃康熙乙酉士禎歸田後

所作應吳陳琰之求者初止六十條戊子又續入一百六十餘條裒為一集付其門人蔣景祁刻之士禎論詩主於神韻故所標舉多流連山水點染風景之詞蓋其宗旨如是其中多自譽之辭未免露才揚已又名為詩話實兼說部之體如記其弟子祐論焦竑字徐潮論蟹價汪琬跋其兄弟尺牘冶源馮氏別業天竺二僧詬評劉體仁倩人代畫諸事皆

與詩渺不相關至如石谿橋堊書絕句乃晚  
唐儲嗣宗詩點易數字士禎不辨而盛稱之  
亦疎於考證然其中清詞佳句採掇頗精亦  
足資後學之觸發故於近人詩話之中終為  
翹楚焉

師友詩傳錄

臣等謹案師友詩傳錄一卷

國朝郎廷槐編續錄一卷

國朝劉大勤編二人皆學詩於新城王士禎各述其師說以成書以郎錄在前故劉錄稱續焉郎錄雖以士禎為主而亦兼質於平原張篤慶鄒平張寶居故每一問而三答其稱歷友者篤慶之號稱蕭亭者寶居之號也篤慶於士禎為中表所著有崑崙山房集寶居於士禎為婦兄所著有蕭亭詩集士禎皆嘗論次之故三人所答或共明一義或各明一義

大旨皆不甚相遠新城詩派以盛唐為宗而  
不甚考究漢魏六朝以神韻為主而不甚考  
究體制其中持論出入往往不免然其談詩  
宗旨具見於斯較諸家詩話所見終為親切  
也郎錄中士禎之語或抄出別行名漁洋定  
論劉錄亦有本別行名古夫于亭詩問實皆  
一書今附存其名不別著錄焉乾隆四十六  
年十月恭校上

總纂官

臣紀昀

臣陸錫熊

臣孫士毅

總

校

官

臣

陸

費

墀



漁洋詩話原序

余生平所為詩話雜見於池北偶談居易錄皇華紀聞隴蜀餘聞香祖筆記魚子亭雜錄諸書者不下數百條而五代詩話又別為一書今南中所刻昭代叢書有漁洋詩話一卷乃摘取五言詩七言詩凡例非詩話也康熙乙酉余既遂歸田武林吳寶厓

陳琬

書來云欲撰

本朝詩話徵余所著無暇刺取諸書乃以余平生與兄弟友朋論詩及一時談諧之語可記憶者雜書之得六

十條南郵行急脫藁即以付之不復竄改戊子秋冬間  
又增一百六十餘條大兒啟涑好收余詩文尺牘草藁  
遂付裝潢余年來目昏不能書此藁藏之家塾留示子  
孫可耳不足示他人也漁洋老人阮亭甫書

欽定四庫全書

漁洋詩話卷上

刑部尚書王士禎撰

余兄弟少讀書東堂嘗雪夜置酒酒半約共和王裴輞

川集東亭

士禎

得句云日落空山中但聞發樵響兄弟皆

為閣筆○東亭與宋荔裳嚴武伯

熊

葉元禮

舒崇

諸名士

游吳興道揚山共賦五言詩兄詩先成羣公歎絕以為  
微雲澹河漢之比○計甫草曰三王並負盛名西樵阮

亭早達故聲譽易起乃東亭之才詎肯作蓬腰哉東亭舉庚戌進士早歿余刻其詩二卷曰古盃集

兄考功士祿作憶萊子雜詩二十篇有潮勢汨三韓之句

或疑汨字所出汪編修琬曰杜詩吳楚東南坼坼字汨

字正以獨造為奇

叔子士祐幼穎悟一日廣坐中客有舉焦竑字弱侯為問

者皆曰當亦魏相字弱翁之義叔子方十二歲從未座起曰非也此出考工記輪人竑其輻廣以為之弱也一

座驚異

余少時在廣陵每公事暇輒召賓客汎舟紅橋與袁荆

州

于

諸詞人賦詩有綠楊城郭是揚州之句江淮間取

作畫圖又與林茂之張祖望杜于皇孫豹人程穆倩修

禊於此自賦冶春詩二十首陳其年題其後云官舫銀

鐙賦冶春琅邪風調更誰倫玉山筵上頽唐甚意氣公

然籠罩人宗定九

元鼎

詩云休從白傅歌楊柳莫向劉郎

演竹枝五日東風十日雨江樓齊唱冶春詞劉公猷曰

耀明珠蔭桂旗麗矣或率而兒拜或矯而當熊或揚袂隨風如欲仙去遺世獨立橫絕一時不必如老鐵花游諸曲遁作別調始見姿媚也

余往如皋馬上成論詩絕句四十首從子淨名

啟浣

作注

人謂不減向秀之注莊後不三十天卒

西樵仲子

余在甌社湖舟中作歲暮懷人絕句六十首丙夜而畢紙盡以公牒牘尾續之淋漓皆徧

余少在濟南明湖水面亭賦秋柳四章一時和者甚衆

後三年官揚州則江南北和者前此已數十家閨秀亦  
多和作南城陳伯璣允衡曰元倡如初寫黃庭恰到好處

諸名士和作皆不能及

余在廣陵偶見成都費密

字此度

詩極擊節賦詩云成都

跋道士萬里下峨岷虎口身曾拔蠶叢句有神大江流

漢水孤艇接殘春

二句即密詩

十字須千古胡為失此人密

遂來定交如平生懽

余在廣陵有蜀士投詩一卷余閱竟曰中惟樂府三篇

最佳後二十年以詹事祭告南海至廣州見羅浮布衣  
陳恭尹元孝則三詩皆陳舊作蜀士竊取入行卷者也  
余笑陳曰一一鶴聲飛上天賴吾能辨之

余以戶部侍郎祭告西嶽游慈恩寺見塏上有二絕句

題秦莊  
襄王墓

園廟衣冠此內藏野花歲歲上陵香邯鄲鼓瑟

應如舊贏得佳兒畢六王問知為郃陽康乃心太乙所  
作亟稱之翼日詩名徧長安而康不知也康以此得重  
名學使陸儼庭德元拔之充貢賦是科以第五人冠其經



金壇潘高孟升五言學韋柳余愛其清真古澹謂可與

王言遠

庭

邢孟貞

訪

頡頏陳其年與余書云有潘高者

貧而工詩久別無可言者止此一物奉獻潘有寒食一絕云黃鴉穀穀雨疎疎燕麥風輕上鯊魚記得去年寒食節全家上冢泊船初

余最許石湖邢昉五言詩以為韋柳門庭中人悵未及友其人官祭酒時鄉人李某往令高淳余特屬訪其子孫李至訪之則老妻穉孫乳乳孤寡饘粥不給李脫贈

三百金為置腴田百畝其家竟不知意出於余也施愚  
山聞之造余再拜曰某交孟貞三十年不能卹其後人  
之窮公與孟貞未定交而能卹其身後令不凍餓以死  
某愧公多矣至為流涕

福清林古度茂之萬厯中詩人與曹南宮學佺鍾學憲  
惺友善亂後居金陵乳山每過余親為撰杖結襪康熙  
甲辰林攜其萬厯甲辰以後六十年詩詣余求為揀擇  
僅存其甲子以前詩百餘篇施愚山見之曰吾交林翁

久不知其詩清新俊逸源本六朝初唐乃如此

南通州邵潛潛夫亦萬歷詩人性孤僻凡數易妻晚竟  
無子僑居如皋年八十矣苦徭役余適以按部至縣詰  
旦首謁邵邵所居委巷乃屏輿從徒步而入邵曰適有  
酒一斗能飲乎余欣然為引滿流連移晷始別縣令聞  
之立除其役

徐夜字東癡叔祖季木考功

象春

外孫與余兄弟為外從

兄弟詩學陶韋巉刻處似孟東野余目之為礪松露鶴

西樵少有贈詩云美人自牧能貽我名士如蠅總附君  
余時尚羈州亦有句云湘東品第留金管江左風流續  
玉臺

余與邵潛夫陳其年諸名士以康熙乙己修禊冒辟彊  
水繪園分體賦詩余戲謂其年曰得紫雲捧硯乃可紫  
雲者冒歌兒最姝麗者為其年所眷許之余坐湘中閣  
立成七言古詩十章後一日杜茶邨自廣陵至亦有補  
作或問之曰阮亭詩何如杜曰酒酣落筆搖五岳詩成

笑傲凌滄洲君詩何如曰但覺高歌有鬼神誰知餓死  
填溝壑

蒲阪吳雯天章初至京師未知名余亟賞其詩謂為仙  
才一日待漏朝房誦其句於葉文敏訥菴

方  
靄

云泉繞漢

祠外雪明秦樹根濃雲濕西嶺春泥霑條桑又門前九  
曲崑崙水千點桃花尺半魚葉大驚異下直即命駕往  
訪之吳詩名大噪都下所居永樂鎮即唐永樂縣有三  
谿李義山家於此

余以順治庚子為江南同考官得太倉崔華不雕工詩  
畫常有句云一寺千松內飛泉屋上行欹檣坐清晝薄  
冷出蘋間又谿水碧于前渡日桃花紅似去年時丹楓  
江冷人初去黃葉聲多酒不辭此例甚多余目為崔黃  
葉又崑山王朱玉元式同出門下後官國子博士常有  
句云秋雨茂陵人獨卧西風汾水雁還來余時為祭酒  
題其後云茂陵秋雨瀟瀟夜愛爾哦詩四壁秋多少長  
安苦吟客瘦羊博士擅風流

劉公馥

體仁

吏部善鼓琴常於慈仁寺精舍彈御風操余

贈詩云與君更作他年約黃鵠山頭訪戴行京口黃鵠  
山戴顓所居也後五年果相遇黃鵠山下又沈文恪繹  
堂荃以箋索書余為書放翁詩云三疊淒涼渭城曲數  
枝閒澹閨中花未幾典蜀試至關中驛亭恍然悟前詩  
信數有前定哉

余常夢中得詩云谿流翡翠映煙空谿上飛橋落彩虹  
愛玩花叢憶元相一枝渾卧碧流中既覺不知所謂及

使蜀乃悟是元微之亞枝紅詩即使東川作也昭陽顧  
符稹工畫余尤愛其棧道圖為賦長歌凡扇頭絹幅屏  
幃間皆令作棧道圖後壬子丙子兩使蜀此其識也又  
常有夢中作云涼雲止復行水花開更落煙柳夕陽時  
蟬聲動高閣

諸城劉翼明字子羽居琅邪臺下老而工詩余常愛其  
句云桃花柳絮春開殘細雨斜風客到門

南海程周量

則可有詩

云朝行青山頭暮歇青山曲青山



不見人猿聲聽相續本是古詩余直刪作絕句以為有  
不盡之意程深服之又常言柳子厚漁翁夜傍西巖宿  
一首如作絕句以欸乃一聲山水綠結之便成高作下  
二句真蛇足耳而盲者顧稱之何耶

余客金陵居秦淮邀笛步上與主人丁翁談秦淮盛時  
舊事作絕句二十首人競傳寫又有和題石厓秋柳小  
景詩云宮柳煙含六代愁絲絲畏見冶城秋無情畫裏  
逢搖落一夜西風滿石頭袁擇菴于見之笑曰忍俊不

禁矣

余官刑部尚書一日閱爰書有名螃蠯者侍郎徐公青

來潮因言今歲津門蟹多而價廉余笑謂曰公因紙上

郭索遽思朵頤耶

蜀隆昌縣地名石谿橋有堊書一絕句云桃花依舊放

山青隱几焚香對畫屏記得當年春雨後燕泥時汚石

谿亭不著名氏

余於古人論詩最喜鍾嶸詩品嚴羽詩話徐禎卿談藝

錄而不喜皇甫汈解頤新話謝榛詩說又云弇州藝苑  
卮言品隲極當獨嫌其黨同類稍乖公允耳

天啟中朝鮮使臣金尚憲字叔度由登州入貢鄒平張  
忠定公華東延登館之於家刻其詩一卷頗多佳句如三

秋海岸初賓雁五夜天文一客星澹雲微雨小姑祠菊  
秀蘭衰八月時又過東方曼倩故里云夜開宣室儼珠  
旒執戟郎官走綠韉首鼠轅駒俱碌碌漢廷綱紀一俳  
優蚤春云水際城邊野馬飛漸聞宮漏晝間稀東風日

夜靡蕪綠塞北江南總憶歸王灘流水繞江涯江上松  
林是我家昨夜夢尋烏石路山前山後蚤梅花余論詩  
絕句云澹雲微雨云云記得朝鮮使臣語果然東國解  
聲詩康熙己未遣侍衛狼暉太學生孫致彌往朝鮮采  
詩大抵律絕居什之九古詩歌行畧見梗概而已孫後  
登戊辰進士官翰林

余以順治乙未舉禮部戊戌始赴

廷對一日期集禮部新郎君皆在全椒吳玉隨

國對

大呼八

曰此中何者為濟南王郎乎衆愕然余方跛脚榻上笑  
曰君自辨之吳直前提余臂曰此即是也衆為一笑後  
吳以第一甲三人及第假過真州贈余詩云如此青天  
如此月兩人須問大江秋詩詳鑒江倡和集

南昌重建滕王閣落成名流競為賦詩推彭少宰羨門  
擅場中聯云依然極浦生秋水終古寒潮送夕陽余常  
喜諷詠之謂劉文房郎君胄無以過也彭又題湖口句  
云湖光盡日依樓堞山色終朝滿縣城亦是寫照

竹枝古稱劉夢得楊廉夫近彭羨門尤工此體如廣州  
竹枝云木綿花上鷓鴣啼木綿花下牽郎衣欲行未行  
不忍別落紅沒盡郎馬蹄半年水宿半山居冬來香根  
夏采珠珠好須從蟬中覓香燒還仗博山鑪山陰徐緘  
伯調越中竹枝云勾踐城南春水生水中鬪鴨自呼名  
伯勞飛遲燕飛疾郎進城時儂出城皆本色語也汪鈍  
翁又擬葉水心作洞庭橘枝詞

英陵漢武帝葬李夫人處距茂陵數武余過之有詩云

長門買賦草萋萋冤魄雲陽杜宇啼惟有佳人解傾國  
英陵長傍茂陵西楊妃墓在馬嵬西北原上余為立小  
碣題詩云巴山夜雨却歸秦金粟堆邊草不春一種傾  
城好顏色茂陵終傍李夫人

花林曠在雲門山南益都山水佳處也山泉翁詩云山  
藏柳市無車馬水隔桃源有子孫馮宗伯北海鍾司空  
龍淵皆屬和翁嘉靖間進士名澄甫官御史壽光人文  
和公珙之孫

東阿子慎思號龐眉生文定公慎行之兄詩才情過文  
定尤工古賦年始弱冠天卒有龐眉生集若干卷

十七叔祖考功季木

象春原名象巽

天才排鼻目空一世使秦

游曲江有詩云韋曲杜陵文物盡眼中多少可兒墳題  
項王廟壁云三章既沛秦川雨八關更肆阿房炬漢王  
真龍項王虎王玦三提王不語鼎上栢羹棄翁姆項王  
真龍漢王鼠垓下美人泣楚歌定陶美人泣楚舞真龍  
亦鼠虎亦鼠古今判劉項無此雄快八叔祖郡丞伯石



象良

亦有詩名五言如蕭條兩岸柳悵五更雞魚藏蘆

底穴雪壓竹間蘆青熒茅舍火縹緲竹林煙孤城一飛

矢六國有心人龍源花外水鹿角雨中山皆中唐之選

也十八叔祖大寧令用晦

象明原名象履

詩亦有足傳如日日

輕雷送雨聲小窗歷亂竹枝橫水痕時落還時漲枕上

看山秋欲生細雨新晴百草菲含桃初染杏初肥奚童

競撲柳花落嬌鳥時銜榆莢飛水淨欲浮蚪蚪字苔深

爭迸籜龍衣闌珊春色歸何遽簾外輕寒蠟屐稀又有

句云老松帶露滴巾角亂石敲風迎馬前余嘗輯為琅邪三公集

先世父侍御府君

諱

與肩字百斯崇禎中以劾總兵官

鄧玘忤時相罷歸甲申聞國難闔門自經明史載忠義傳有隴首集一卷南城陳伯璣錄其詩與雁門

孫白

簫

曲

黃海岸

鈐岡

袁臨侯

合刻之為四忠詩

杜于皇詠坡公云堂堂復堂堂子瞻出峨眉蚤讀范滂傳晚和淵明詩龔端毅每誦之以為二十字說盡東坡

一生余因憶宋人一詩云東坡謫嶺南時宰欲殺之飽  
喫惠州飯細和淵明詩二作殆不易軒輊

郊縣全軌字車同博雅工詩常以長句寄余余賞之而  
嗟其貧老不遇為之延譽於徐中丞張侍御遂聘主大  
梁書院未幾徐遷去張卒官而全以乙酉中河南解元  
中牟南湖有蒲盧亭張孝廉林宗

民表

時飲酒於此余過

之嫌其命名非雅易以墊巾以存林宗故蹟題詩云南  
郭孤亭野水濱菰蒲獵獵水鱗鱗林宗未遠風流在不

愧亭名是墊巾

鄭州夕陽樓李義山有詩余過之題詩云野塘菡萏正  
新秋紅蕖香中過鄭州僕射陂頭疎雨歇夕陽山映夕  
陽樓

滁州西澗有野渡菴取韋詩命名余題詩云西澗蕭蕭  
數騎過韋公詩句奈愁何黃鸝喚客且須住野渡菴前  
風雨多又題清流關云瀟瀟寒雨渡清流苦竹雲陰特  
地愁回首南唐風景盡青山無數繞滁州

蜀合江縣有西涼王神祠神是涼王呂光苻秦時討李馬之亂至此因為立祠放翁詩我雖不識神知是山水人不敢持笏來袒褐整幅巾蓋未詳其本末余過謁祠賦長句正之長安氏王頭有角東掃鄴宮西定蜀云云詩載蜀道集

余謂陸魯望無情有恨何人見月白風清欲墮時二語恰是詠白蓮詩移用不得而俗人議之以為詠白牡丹白芍藥亦可此真盲人道黑白在廣陵有題露筋祠絕



句云翠羽明璫尚儼然湖雲祠樹碧于煙行人繫纜月初  
墮門外野風開白蓮正擬其意一後輩好雌黃亦駁之  
云安知此女非嫫母而輒云翠羽明璫邪余聞之一笑  
而已

趙韞退按察官湖西有詩百餘篇余取其南康登樓一  
絕句云返照臨高閣寒煙澹澹分城空何所有一半是  
匡君

余論當代詩人目曰南施北宋施謂愚山宋謂荔裳二

君集皆經余刪定又嘗取愚山五言近體詩為主客圖一卷今施集尚存其家未能版行宋集經蜀亂失其本矣

余論古今雪詩惟羊孚一贊及陶淵明傾耳無希聲在目皓已潔及祖詠終南陰嶺秀一篇右丞灑空深巷靜積素廣庭閒韋左司門對寒流雪滿山句最佳若柳子厚千山飛鳥絕已不免俗降而鄭谷之亂飄僧舍密灑歌樓益俗下欲嘔韓退之銀盃縞帶亦成笑柄世人詠

金剛經  
卷上  
於盛名不敢議耳

梅詩無過坡公竹外一枝斜更好七字及雪後園林才  
半樹水邊籬落忽橫枝高季廸雪滿山中高士卧月明  
林下美人來亦是俗格若晚唐認桃無綠葉辨杏有青  
枝直足噴飯

又論杜八哀詩最冗雜不成章亦多吟嚙語而古今稱  
之不可解也

汪鈍翁問余王孟齊名何以孟不及王奮曰孟詩味之



未能免俗耳注深嘆其言謂從無人道及此今日善學  
西崑者無如常熟吳及脩齡學才調集無如江都宗元  
鼎定九建昌楊思本因之太原趙瑾懿侯趙下橋絕句  
云東陽回首又天涯天步艱難國步賒一自下橋橋斷  
後王孫惆悵不歸家虎邱云綠陰濃護好樓臺獨權扁  
舟月下來翹首是天堪墮淚湛盧何處不重迴楊踏花  
明日值雨云折得花來不贈人膽瓶相對一枝春遙憐  
昨夜行歌處落草霑泥倍愴神怨詞云春草日夜綠春

鳥飛且鳴感郎千金意猶自覺愁生

劉公弼常有絕句云西湖小閣多晴月好友同舟半是僧寄語江南老桑苧秋山紫蕨憶行滕自編其集遺之余舉似云如此作何以不錄公弼笑謝曰賴兄為我作行秘書

淮陰張養重虞山游淞東過廣陵謁余揖甫罷余亟問曰夙愛足下南樓楚雨三更遠春水吳江一夜生平生如此好句復有幾張退為邱洗馬季貞

象隨

曰夙昔快意

之作不意阮亭一見便能道出

西樵甲辰之獄吏議羅織鍛鍊半載始白扁舟南下余  
迎於秦郵相見持之而泣西樵都不及患難時事直取  
一巨編擲余前曰弟視吾詩境地差進不人嘆其曠達  
汪鈍翁跋西樵阮亭手帖云予友新城二王相善也故  
藏其尺牘為多得輒裝潢之時一展玩如聆其抵掌笑  
語中有一帖小異當是叔子筆耳謂東亭也初鈍翁在  
京師求友於余余為言劉公戡梁曰緝程周量鈍翁遂

皆與定交云

河陽薛大武

奮生

與余輩為同年生豪邁任俠一日酒酣

大言曰君輩文士耳異日終當依我幕下余熟視薛曰  
恨吾子非嚴鄭公一座大笑鈍翁賦詩云少日詞場偶  
擅名未曾縛袴學長征他年若得登三事但取蕭郎作  
騎兵

余最喜武林毛馳黃

先舒

詠西施絕句云別有深恩酬不

得向君歌舞背君啼此意未經前人道過

王士純字孤絳贈光祿寺少卿十二叔祖完初公

象復之

孫白哲美風姿書法李北海弱冠殉崇禎壬午之難有  
新月詩云乍見一簾水回頭月抱肩黃如浮醪酒瘦比  
厖琴弦

余辛丑客秦淮作雜詩二十首多言舊院時事內一篇  
云十里清淮水蔚藍板橋斜日柳毵毵棲鴉流水空蕭  
瑟不見題詩紀阿男阿男名映淮詩人伯紫

映鍾

之妹也幼有

詩云棲鴉流水點秋光後適莒州杜氏以節聞伯紫與

余書云公詩即史乃以青鍔白髮之嫠婦與莫愁桃葉同列後人其謂之何余謝之後入為儀郎乃力主覆疏旌其閭笑曰聊以懺悔少年綺語之過

康熙癸卯歲將除孫無言

默

欲渡江往海鹽訪彭十美

門人問有何急事會曰將索其延露詞與阮亭衍波程

邨

鄒祇謨

麗農詞合刻之陳其年

維崧

贈以詩曰秦七黃九

自佳耳此事何與卿飢寒孫新安人居廣陵

歷下詩派始盛於弘正四傑之邊尚書華泉再盛於嘉

隆七子之李觀察滄溟二公後皆式微施愚山督學時  
為滄溟立墓碑夢其衣冠來謝余刻華泉集及其仲子  
習遺詩又訪其後裔則墓祠久廢七世孫某已為人家  
佃種矣乃公言於當道予以奉祠生兒童不識字耕稼  
魏公莊古今同慨也

鄒平許山樂瀨水滙處煙波浩淼中有墨王亭是從叔

祖洞庭

象咸

別業周侍郎櫟園過之賦詩見懷云獨有墨

王亭畔水空明與客憶王郎墨王見陸友仁研北雜志

六合李侍郎敬字退菴順治末與余及長洲汪茗文

琬

南海程周量

則可

論詩京邸其說甚精余極愛其五言如

酒醒亭午後人憶秣陵西又瓜步新添水清明遠送行  
此例數十句皆不減古人辛丑歸田舟過廣陵猶與余  
論詩移晷未幾病卒病中自訂平生詩文若干卷刻之  
戒其子度閣二十年後乃可印行今三十餘年矣余門  
人吳曷編修其壻也屬索諸其子至再不可得今無有  
知其姓字者矣余嘗錄二十餘篇於感舊集將來或不



盡湮沒者意在斯乎

南海耆舊陳恭尹元孝清迴絕俗其詩如離憂在湘水  
古色滿衡陽帆隨南嶽轉雁背碧湘飛映花谿路閑漱  
水石根虛枕榔過雨垂空地瑤瑁乘潮上古城家山小  
別吟蕪夢水驛多情浪與風之類皆得唐人三昧而平  
生游跡不出嶺南故知之者少尤工書法嘗以端石寄  
余手自篆刻云獨漉所貽漁洋寶之獨漉元孝別號也  
弇州云嘗見皇甫少玄百泉兄弟論詩五言以猿啼洞

庭樹人在木蘭舟為極則二句乃晚唐馬戴詩

予所居小圃石帆亭南有池曰春草一日集子弟羣從賦詩弟士驪幔亭有天際星河倒入池之句予甚激賞之

杜茶邨濬初名詔先黃岡人僑居金陵貧甚屢客廣陵甲辰人日大雪時方鎖印無事余造訪之清言竟日乙巳七夕余北上京師諸人祖於禪智寺即席賦五言茶村有句云記逢人日雪造我吟窮愁謂此也

先大父方伯贈尚書公年八十餘親教諸孫頗及聲律之學從叔祖洞庭先生善草書尤喜飲酒一日置酒邀之醉後顛墨淋漓公顧諸孫命對云醉愛羲之蹟余時年十一歲輒應聲曰閒吟白也詩公及洞庭先生皆大喜賜畫扇二

西山廬師巖有無名氏題詩云山僧汲空潭驚起二龍子十里雲濛濛三日雨不止

陸圻字麗京號講山武林耆宿為西泠十子之冠晚年

遠遊不歸或云在嶺南為僧釋名今龍或云隱武當為  
道士終莫得而詳也洪昇昉思畲人絕句云君問西泠  
陸講山飄然一盃竟忘還乘雲或化孤飛鶴來往天台  
雁宕間

近日釋子詩以滇南讀徹蒼雪為第一如一夜花開湖  
上路半春家在雪中山如亂流落葉聲蕪下聽徹寒扉  
不上關皆警句其弟子某亦有句云鳥啼殘雪樹人語  
夕陽山

盤山釋智朴有詩名余在京師日曾定其集嘗有句云  
木蛇鱗甲異俊鷄羽毛青亦未經人道語與洪昇聯句  
云蒼松亂插連雲石石上苔痕虎行跡朴拄杖來從飛  
鳥邊下視蒼茫遠煙碧昇客武康有句云林月前後  
入谿花春夏開余亦嘗刪定其集云

雲南有地名板橋升菴題句云還如謝朓宣城路南浦

新林向板橋曹能始

學

全板橋詩云兩岬人家映柳條元

暉遺跡草蕭蕭曾為一夜青山客未得無情過板橋汴

梁西三十里有板橋是白樂天題詩處

閩清林初文

章

孝廉古度之父也嘗有送人詩云不待

東風不待潮渡江十里九停橈不知今夜秦淮水送到

揚州第幾橋以示梅禹金

鼎

禹金激賞之宣城有老儒

邱華林嘗以詩質禹金但為分句讀而已見之大恚曰

林詩二十八字正得二十八圈吾詩字數不啻倍之乃

不得一圈耶聞者笑之

同年祁珊洲

文友

東莞人為廬江令有詩云一夜東風吹

雨過滿江新水長魚蝦余深喜之戲呼為祁魚蝦祁作  
色而怒余笑謝曰兄勿怒此自有例祁問何例余曰兄  
不聞梅河豚耶祁乃失笑而罷

三朝北盟會編載徽宗北狩至定武金人高會擊毬請帝  
賦詩曰錦裘駿馬曉棚分一點星馳百騎奔奪得頭籌須  
正過休令綽撥入斜門揮塵餘話載道君禪祀禮成再賜太師  
遲字韻詩云歸問雪中誰詠絮冥搜花底自巡簷佳句也  
鄒平長白山醴泉寺即范文正公畫粥處四山環合一

谿帶縈谿上有范公祠祠中多前代石刻有嘉靖十三年崧少山人張鯤八絕句最佳節錄於左危閣煙霞出峰簷麋鹿來春泉落西澗聲繞讀書臺風晝谿楊色煙春巖蕙香人言背絕壑纔是上書堂山護理金窟泉通畫粥厨傳鐙衣盃在曾伴老龍圖靈刹羣峰合名祠半日游難逢浮海術易集下山愁鯤河南釣州人詩名不甚著而詩之工如此

姜白石詩說云僻事實用熟事虛用學有餘而約以用



之善用事者也意有餘而約以盡之善措辭者也句中  
無餘字篇中無長語非善之善者也句中有餘味篇終  
有餘意善之善者也始於意格成於句字詩有四種高  
妙一曰理高妙二曰意高妙三曰想高妙四曰自然高  
妙一篇全在結句如截奔馬辭意俱盡如臨水送將歸  
辭盡意不盡若夫意盡辭不盡剝谿歸櫂是也辭意俱  
不盡溫伯雪子是也一家之言自有一家風味如樂之  
二十四調各有韻聲乃是歸宿處樸仿者語雖似之韻

則亡矣右論詩未到嚴滄浪頗亦足參微言

溫伯雪子  
目擊而道

存見莊子

田子方篇

莊子宋元君將畫圖衆史皆至受揖而立舐筆和墨有一史後至儻儻然不趨受揖不立之舍使視之則解衣盤礴羸君曰可矣此真畫者也詩文須悟此旨

越處女與勾踐論劍術曰妾非受於人也而忽自有之司馬相如會盛覽曰賦家之心得之於內不可得而傳雲門禪師曰汝等不記已語反記吾語異日稗販我耶

數語皆詩家三昧

長洲尤悔菴

侗

工樂府早歲作讀離騷諸傳奇流聞禁

中遂達

世祖御覽嘆為才子後

龍馭升遐尤自北平罷歸余寄詩曰南苑西風御水流殿  
前無復按梁州飄零法曲人間徧誰付當年菊部頭尤  
為泣下

宋景文筆記詩蕭蕭馬鳴悠悠旆旌顏之推愛之昔我

往矣楊柳依依今我來思雨雪霏霏謝玄愛之許謨定  
命遠猶辰告安石以為佳語

又云左太冲詩振衣千仞岡濯足萬里流使人飄飄有  
世表意不減嵇叔夜目送飛鴻之語

又云莊生曰送君者皆自厓而返君自此遠矣讀至此  
令人蕭寥有遺世之意

余因思詩三百篇真如化工之肖物如燕燕之傷別籬  
簷竹竿之思歸蒹葭蒼蒼之懷人小戎之典制碩人次

章寫美人之姚冶七月次章寫春陽之明麗而終以女  
心傷悲殆及公子同歸東山之三章我來自東零雨其  
濛鶴鳴于垤婦嘆于室四章之其新孔嘉其舊如之何  
寫閨閣之致遠歸之情遂為六朝唐人之祖無羊之或  
降于阿或飲于池或寢或訛爾牧來思何蓑何笠或負  
其餼麾之以肱畢來既升字字寫生恐史道碩戴嵩畫  
手未能如此極妍盡態也

謝公問王子猷云何七言詩會曰昂昂若千里之駒汎

汎若水中之鳬二語已盡歌行之妙是時七言作者未  
盛子猷又不以詩名而其言如此

汪鈍翁與余順治末稱詩都下忝齊名之目鈍翁有詩  
云俠少場中同結駟郎官隊裏各題詩恥居王後吾何  
敢願作雲龍上下隨

江行看晚霞最是妙境余嘗阻風小孤三日看晚霞極  
妍盡態頓忘留滯之苦雖舟人告米盡不恤也賦三絕  
句云彭澤縣前風倒吹三朝休怨隋帆遲餘霞散綺潑

江練滿眼青山小謝詩白浪空江斷去人連朝風色起  
青蘋小孤山外紅霞影定子當筵別是春瀟瀟寒雨暗  
潯陽日日江潮過馬當東望滄溟天萬里乘風欲渡赤  
城梁

建安徐寔又橫年八十介其友鄭山公侍郎以詩求余  
序滁州嚴寔治頊字素臣年八十五介余門人吳翰林  
曷以其稗言集求余點定皆云待此蓋棺計其年今皆  
餘九十矣書之以無負其數千里謏誣之意

朱

載震

字悔人楚潛江人詩特工五言嘗為余作齋前花

木六詠最佳昔王筠為沈約賦郊居十詠約曰此詩指物呈形無假題署今之視昔殆為過之官石泉令卒於蜀甚可惜也

蕭子顯云登高極目臨水送歸蚤雁初鶯花開葉落有來斯應每不能已須其自来不以力構王士源序孟浩然詩云每有製作佇興而就余生平服膺此言故未嘗為人強作亦不耐為和韻詩也



施愚山游嵩山詩云翠屏橫少室明月正中峰十字令  
人擘櫨不盡

臨朐馮文毅

溥

題漢文帝幸代圖云漢帝當年歌大風

歡留父老樂融融誰知將相調和後更有君王讌賞同  
每飯未嘗忘鉅鹿故居猶自念新豐旌旗十萬雲中駕  
休擬登臺出塞雄

馮氏自問山先生

裕

起家進士以詩名海岱間有四子

惟健惟重惟敏惟訥皆有詩名惟敏兼工詞曲惟訥纂

古詩記風雅廣逸諸書有功藝苑惟重之孫則文敏公  
琦也萬歷中以經術推重館閣文毅則惟訥之玄孫云  
謝康樂石門詩凡二其一則登石門最高頂所謂晨策  
尋絕壁夕息在山棲者永嘉之石門也其一石門新營  
所住四面高山迴谿石瀨所謂躋險築幽居披雲卧石  
門者匡廬之石門也桑喬廬山紀事最稱簡核然取前  
一首誤矣

香鑪峰在東林寺東南下即白樂天草堂故址峯不甚

高而江文通從冠軍建平王登香鑪峰詩云日落長沙  
渚層陰萬里生長沙去廬山二千餘里香鑪何緣見之  
孟浩然下賴石詩暝帆何處泊遙指落星灣落星在南  
康府去賴亦千餘里順流乘風即非一日可達古人詩  
祇取興會超妙不似後人章句但作記里鼓也

張吏部公選

九徵

先生題余過江集云筆墨之外自具性

情登覽之餘別深寄託

余有寄懷錢唐吳寶厓

陳琰

二絕句競說仙人萼綠華紫

金跳脫降羊家苧蘿溪上春無主一代紅顏獨浣沙紫

陌紛紛看牡丹車如流水從去金鞍那知冰雪西谿路

猶有梅花耐歲寒寶厓因屬禹尚基之寫西谿梅雪圖

吾郡楊太宰夢山先生魏五言冲古淡泊在高子業季

孟間如遠道令人愁况近單于壘秋風入雁門羽書日

三至微微霽景流天壤色俱素鄉心生塞草世事入秋

風風雨樓煩國關山李牧祠閒將流水引夢與古人居

雨響殘秋地城分不夜天石古苔生徧泉香麝過餘皆


逼古作

鄧州彭禹峰方伯

而述

雄豪磊落陳同父一流人也詩多

軍中之作如戰壘荒城蒙段外華風邊月漢唐年白露  
蠻江凋木葉黃沙羯鼓下營州千盤路吐檳榔隄一線  
天開瑇瑁池此例數十句皆有磨盾橫櫺之風



漁洋詩話卷上

欽定四庫全書

集部  
漁洋詩話

詳校官監察御史臣劉人豪

侍讀臣孫球覆勘

覆校官侍講臣

校對官中書臣

謄錄監生臣

欽定四庫全書

漁洋詩話卷中

刑部尚書王士禎撰

三原王端毅公遺事載公巡撫三吳時題一寺壁云彩  
鷗西飛日未斜江村兩岸有人家吉祥寺裏梅千樹不  
到春來不著花亦宋文貞梅花賦之比祖詠試終南望  
餘雪詩云終南陰嶺秀積雪浮雲端林表明霽色城中  
增暮寒四句即納卷或詰之詠曰意盡閭濟美試天津



橋望洛城殘雪詩只作得廿字云新霽洛城端千家積  
雪寒未收清禁色偏向上陽殘主司覽之稱賞再三遂  
唱過二事絕相類題韻皆同

僧澄瀚字郢子濟寧人工詩有絕句云昨宵初罷上元  
燈又欲看山向秣陵騎馬乘船都不會飄然誰識六朝  
僧為時所稱

天啟初潁川張遠度買田潁南之中村地多桃花林一  
日攜榼獨游見耕而歌者徘徊曠間聽之皆杜詩也遂

呼與語耕者自言王姓名清臣舊有田畝徭役盡委諸  
其族今為人傭耕少曾讀書客有遺一冊於其舍者卷  
無首尾讀而愛之故嘗歌亦不知杜甫為何人也異日  
遠度過其廬見舊歷背煤字漫滅乃燒細枝為筆所書  
皆所作詩後經亂不知所在張獨記其一篇云人生如  
汎梗飄飄殊無根飲啄得幾許營營晨與昏對此春日  
好荷鋤出南原近觀草色敷靜聽鳥語繁諸有弄化本  
雜沓呈真元曉然似供我寧不倒清樽有身貴適意窮

達安足論此亦杜五郎之流歟

丹鉛錄極稱唐劉綺莊桂楫木蘭舟楓江竹箭流一篇  
其詩果不減太白升菴博雅亦未詳綺莊何許人也按  
吳中人物志劉綺莊崑山尉研窮古今博考傳記作類  
書一百卷號崑山編其平生著作最夥而所傳止此一  
詩可惜也

陳戶部子文

庚禧

詩云斜日一川汧水北秋山萬點益門

西未入蜀不知其寫景之妙

上谷旅店壁或題二句云一劍有餘魏武帝百身難贖  
楚懷王書甚奇勁而不知所謂

宋牧仲

萍

中丞嘗於淮北旅舍見二絕句云橫笛何人

夜倚樓小庭月色近中秋涼風吹墮雙梧影滿地碧雲  
如水流渺渺孤城白水環舳艫人語夕陽間林梢一抹  
青如畫知是淮流轉處山中丞題其後云新詩寫向黃  
泥壁未許人間識姓名二詩大似北宋名家

東粵詩自梁陳諸君外又有王邦畿說作王鳴雷震生

陳子升喬生伍瑞隆鐵山數人皆有可傳說作句如雲  
低滄海樹潮上夕陽城曙色寒山外秋風古渡前殊近  
錢劉又有絕句云昨冬歸去今春信言是端陽入楚山  
吟取荊州舊時事洞庭秋盡客應還喬生昔昔鹽云鴛  
鴦樓外鳥欲棲瑤瑁梁間燕吐泥月暈圓隨漢東蟬天  
河傾向汝南雞萬方儀態華銓出一笑橫陳翠帳低愁  
見曉鴻征塞北不知天將定遼西南中塞下曲云膠寒  
竹箭猶揚越笛散梅花已漢關小月陣前雲出海骨都

營外火連山江邊玉帳樓船度馬上金錢御府頒百尺  
高臺兩銅柱漢家何日拓南蠻頗似楊用脩格調

董易農侍御

文驥

題井陘淮陰侯祠云春雨王孫草靈風

古木叢

始興江口有三楓亭梁范雲遺跡也余以甲子使粵過  
之題詩云二月一日春態閒桃花欲落鳥綿蠻回頭不  
識中原路人在三楓五渡間又廣州六榕寺猶是坡公  
題榜

從伯文玉

與政

工艷體詩所著有龍鶯館集無題云二十

五年將就木一千里路不通書煢煢白兔東西顧恰恰

黃鸝四五聲通德每宵談秘事清娛隨處品名山皆工

蔣修撰虎臣

超

順治丁亥及第不樂仕進自言前身峨

眉老僧也後竟歿於蜀常題金陵舊院云錦繡歌殘翠

黛塵樓臺已盡曲池湮荒園一種瓢兒菜獨占秦淮舊

日春

真定神女樓昔趙武靈王夢神女於此令羣下賦詠之

此乃真夢非如宋玉微辭而古今罕知者余庚子丙子  
屢過之賦詩云神女樓空雁塞孤照眉池涸半寒蕪邯  
鄲賓客皆能賦誰似朝雲楚大夫

或問詩工於發端如何應之曰如謝宣城大江流日夜  
客心悲未央杜工部帶甲滿天地胡為君遠行王右丞  
風勁角弓鳴將軍獵渭城萬壑樹參天千山響杜鵑高  
常侍將軍族貴兵且強漢家已是渾邪王老杜將軍魏  
武之子孫於今為庶為清門是也



金史四庫全書  
曲周劉半舫尚書

榮嗣

詩雅有清裁盧侍御德水世亟稱

之題蘭亭卷云山淺圍青甸泉芳更曲流永和之上已  
逸少以千秋余夙昔喜誦之不以虛字損其佳也

律句有神韻天然不可湊泊者如高季迪白下有山皆  
繞郭清明無客不思家曹能始春光白下無多日夜月  
黃河第幾灣李太虛節過白露猶餘熱秋到黃州始解涼  
程孟陽瓜步江空微有樹秣陵天遠不宜秋是也余昔登燕  
子磯有云吳楚青蒼分極浦江山平遠入新秋或庶幾爾

安磐字松谿蜀嘉定州人正德時為給事中以諫南巡  
廷杖余登凌雲石壁刻詩最多惟松谿四絕句甚工記  
其二云青衣江上水溶溶隔岸遙聞戒夜鐘暫借竹牀  
聽梵放月華初到第三峰林竹斑斑日上遲鳥啼花暝  
莫春時青衣不是蒼梧野却有峨眉望九疑蓋峨眉三  
峰正直凌雲九峰之西中隔三江至其地知其詩之工  
也余嘉州竹枝云分取三江作明鏡鏡中各自照蛾眉  
南城陳伯璣

允衡

清羸如不勝衣雙瞳碧色最工五言如

寒日明孤城斜風下飛鳥籃輿望歸鳥日暮空城曲疎  
鐘荒寺在澹月空牀得此類數十句皆王韋門庭中語  
也伯璣食貧旅寓白門而好表章故人遺書所選婁堅  
子柔徐世溥巨源古文尤為不苟後歸南昌歿於東湖  
徐波元嘆晚居天池落木庵自云喜登陟而筋力遽衰  
未廢吟詩而發言莫賞又作落木菴記云崇禎癸酉與  
竟陵譚友夏在其弟服膺署中曉起盥漱見余白髮盈  
梳曰子從此別計必住山請擇嘉名以名其居服膺出

幅紙請作擘窠大字友夏為書落木菴今三字揭諸菴  
門松枯數株撐風蔽日元冬霜月蕭蕭而下雙童縛帚  
掃除不給齋厨爨烟皆從此出事之前定如此後寄楚  
僧寒碧云楚鬼微吟上峽謠中元法食可相招憑師為  
譬興亡恨雨打秋墳骨亦銷此詩為鍾譚作也

近日下僚中往往多文士婁縣丞施鴻字則威邵武人  
著史測十卷江都主簿馬之驕字旻徠雄縣人撰詩防  
後補壽張簿又撰張秋志泰州同知趙三麒字乾符韓

城人有詩云虞帝昔南巡不見南巡跡但餘此墓旁一片瀟湘石余在廣陵常詫客曰吾衙官屈宋矣

先兄西樵常云合肥龔尚書流水青山送六朝才子語陽羨陳其年浪擁前朝去英雄語

宋牧仲太宰巡撫江南日夢余屬賦洞庭鴈云岸濶水無際月明春雁翔裴回念儔侶清影落瀟湘余報書曰此又一鮑孤鴈也

今廣元縣唐利州也武后生於此嘉陵江岼皇澤寺有

石像乃是一比丘尼余過之戲題詩云鏡殿春深往事  
空嘉陵禍水恨難窮曾聞奪塔瑤光寺持較金輪恐未  
工盖用洛陽伽藍記瑤光寺尼工奪塔之語以詭之昔  
聞過乾陵作譏刺謔浪語輒有風雷之異乃是日嘉陵  
風平浪靜老狐何靈於乾州而不靈於利州耶

或題江陵相故宅壁云恩怨盡時方論定封疆危日見  
才難

茶譜載胡釘鉸居白蘋洲鄰有古冢茶飲必酹之忽夢

一丈夫曰我柳文暢感子茗惠教子為詩自是遂工吟  
詠余嘗戲謂柳文暢詩派乃傳釘鉸耶然釘鉸詩載洪  
文敏萬首絕句者實不劣也或謂居鄭圃夢列子教之  
見雲溪友議

吾郡海豐楊太宰夢山

巍

先生存家稿八卷余刪定為

三卷刻於京師謂其五言簡古得陶體五言近體聲希  
味澹固是間代清律明作者自高蘇門之外未見其比  
粵王臺枕廣州北城有呼鸞道故蹟女牆間皆木綿花

時紅照天外亦奇觀也余甲子告祭入粵屢游之賦詩  
云歌舞岡前輦路微昌華故苑想依稀劉郎去作降王  
長斜日紅綿作絮飛

東阿魚山是陳思王聞梵處冢墓在焉即瓠子歌之吾  
山也又有神女智瓊祠余題絕句云雲車入洛幾時還  
松桂淒涼滿舊山歌罷迎神送神曲山青無際水潺湲  
王摩詰有魚山神女祠歌

二喬宅在潛山縣近三祖山故山谷詩云松竹二喬宅



雪雲三祖山今遺趾為彰法寺余甲子過之有詩云脩  
眉細細寫春山疎竹泠泠響珮環霸氣江東久銷歇空  
留初地在人間

王介甫唐百家詩宋牧仲尚書從常熟毛扆得古本刻  
之余閱一過寄牧仲書云百家選古物自可寶惜然去  
取大謬謂為佳選則未敢聞命其書載王建詩多至兩  
卷不啻數百篇而王楊沈宋陳子昂張燕公張曲江王  
右丞韋蘇州劉賓客諸大家不錄一首若謂宋次道家

無此數十家文集何以謂之藏書家若有之而一字不  
入選尚得為有目人耶後閱嚴滄浪詩話已先余言之  
安石一生相業所謂好惡拂人之性此選亦然

黃州葉井叔

封

順治己亥進士仕為延平府推官改登

封令遷兵馬司指揮初以詩介其宗人訥菴

方

質余余

曰君之詩未也惟嵩山詩足傳耳為序其嵩陽集刻之  
後以博學宏詞薦不見收自楚屢寄新詩求余刪定其  
郢中懷古二十首殆無一字不佳銓授工部主事未上

而卒

新安吳兆非熊程嘉燧孟陽皆以布衣稱詩有名萬歷  
啟禎間吳五言學謝朓何遜程七言律最多名句七言  
絕句尤佳門人汪扶晨徵遠汪于鼎洪度請余選定為  
新安二布衣詩二君之後當以石湖邢昉為第一門人  
孫郎中謙請余定其全詩因循未果而江南已有刻本  
然未經刊定余至今以為憾

五代時吳越文物不及南唐西蜀之盛而武肅王寄妃

書云陌上花開可緩緩歸矣二語豔稱千古東坡又演  
為陌上花云陌上花開胡蝶飛江山猶是昔人非遺民  
幾度垂垂老游女還歌緩緩歸生前富貴草頭露身後  
風流陌上花已作遲遲君去魯猶歌緩緩妾歸家晁無  
咎亦和八首有云娘子歌傳樂府悲當年陌上看芳菲  
曼聲更緩何妨緩莫似東風火急歸荆王夢罷已春歸  
陌上花隨暮雨飛却喚江船人不識杜秋紅淚滿羅衣  
二公詩皆絕唱入樂府即小秦王調也

東坡濟南詩云濟南春好雪初晴行到龍山馬足輕使  
君莫忘雪谿女時作陽關腸斷聲亦小秦王調也注蘇  
者誤以為孟嘉落帽之龍山不思彼在姑孰與濟南何  
涉注家之可笑如此

沂水高平仲中丞

名衡

崇禎辛未進士官河南巡撫歸殉

壬午之難初登第觀政京師製衣一稱寄內自畫花卉  
其上凡二十六種作三十二叢花之左右前後各題絕  
句詩凡八首張杞園貞待詔作畫衣記詩略載於此對

月偏成憶臨風更有思鄉心無可寄聊寫最嬌枝花枝  
嬌且妍置之在懷裊好記花枝新憐取衣裳舊輕襦畫  
折枝悠然感我思畫時腸已斷著時心自知霧縠偏宜  
暑冰綃迴出塵著時憐百朵應憶畫眉人客邸長安一  
事無畫長人靜影形孤閒將一段鶯谿絹寫作名花百  
種圖

邵陽王幼華

又旦

才最高初為詩趨古澹後變而之雄放

自潛江令入為給事中乃斂才就法七言古五言今體

多可傳游太華羅浮詩尤為警策五言如月明飛夜鵲  
江靜抱嘉魚風煙盤赤壁波浪下黃牛此句亦古人所  
少

坡詩萋萋滿地蘆芽短正是河豚欲上時非但風韻之  
妙蓋河豚食萋蘆則肥亦如梅聖俞之春洲生荻芽春  
岼飛楊花無一字汎設也

吳岳東十里縣頭鎮古吳山縣也有元縣令丁帶十詩  
極似姚合武功雜詠而人無知者余丙子奉

命祭告過之錄其半以傳云瀟灑吳山縣岡巒繞四圍  
官卑新令尹邑古舊隄廩趣有陶彭澤才非陸浚儀折  
腰身體重歎適兩相宜○瀟灑吳山縣居民近百家孤  
城連阜起小市枕谿斜土潤宜栽竹泉甘好試茶公餘  
無一事何處息紛華○瀟灑吳山縣巖居共幾層風清  
聞遠笛月黑見孤燈酒釀南谿水琴邀北閣僧城隅修  
檻穩衙退晚來凭○瀟灑吳山縣庭虛夏亦涼奇雲蔽  
峻嶽木葉暗稠桑種稻連荆箔分泉過石堂不知關塞



近風物滿西鄉○瀟灑吳山縣雲峰信有餘地偏長畏  
虎水急不生魚夢去游鄉國愁來厭簿書拂衣空有願  
何日賦歸與

余撰浯谿考頗搜竒秘如李清照二長句得之陳士業  
寒夜錄此從來所未習見者近又從石門文字禪得洪  
覺範二長句亦前所未睹若唐蔡京五言近在耳目之  
前而反遺之殊自笑其疎也

余最愛范德機雨止脩竹間流螢夜深至兩句少時曾

擬作一聯云螢火出深碧池荷聞暗香按元吳師道禮  
部集云聞諸危太樸秋夜與先生微步山中得此句喜  
甚且曰句太幽殆類鬼語須以他語映帶之乃足成此  
篇觀衆仲此跋知至寶當前識者無不能辨之也

余少客秦淮作秦淮雜詩二十餘首陳其年詩兩行小  
史艷神仙爭寫君侯腸斷句謂此也又在真州作絕句  
云好是日斜風定後半江紅樹賣鱸魚又濛濛夕照開  
棠邑葉葉風帆下建康又摘星樓閣浮雲裏一傍危欄

望楚江又綠楊城郭是揚州江淮間多寫為圖畫後入  
蜀行夾江道中望峨眉三峰在煙雨空濛中賦詩云沈  
黎東上古犍為紅樹蒼藤竹亞枝騎馬青衣江上路一  
天風雨望峨眉及入粵大雪行潛山唐婆嶺即事賦詩  
云皖公山色望迢迢皖水清泠不上潮青笠紅衫風雪  
裏一林楓桺馬蕭蕭常欲命畫師為寫二圖未果每以  
為憾

東坡送李孝博之嶺表詩石刻在蜀岡禪智寺斷仆已

久而字畫幸無剝缺余訪之出諸榛莽間緘以鐵會重  
脩禪智三峰碩揆禪師來為住持屬陷石方丈壁間所  
謂新苗未沒鶴老葉初翳蟬者也余次韻亦刻一石汪  
鈍翁詩鶴影蟬聲野徑長髯翁遺墨冷斜陽游人盡說  
迷樓好誰訪殘碑到蜀岡

內兄張蕭亭

實居

鄒平少保忠定公孫也家有湄園擅邱

壑之趣今蕪矣常有詩云桃花乍放柳初生葉底春禽  
送好聲人在西園山翠裏斜風細雨度清明余刻其詩

四卷

巫峽中神女廟在瑩篁山麓茅茨三間而神像幽閒婉  
孌可觀其西即高唐觀也余壬子過之賦詩云瑩篁山下  
路遺廟問朝雲冠古才難並流波日易曛玉顏空寂寞  
山翠日氤氲西望章華晚含情尚為君

余在廣陵五年多布衣交甲辰內遷乙巳七夕諸詩老

送別禪智寺孫豹人

枝蔚

有句云欲問忘情老何名共命

禽難言無所住齊有淚盈襟

門人陸次公

輅

常熟人自恩縣令遷判撫州重建玉茗

堂於故址半載挂冠堂適落成大會府僚及士大夫出  
吳兒演牡丹亭劇二日解纜去自賦四詩紀事江以南  
和者甚衆余在京師寄詩云落花如夢草如茵弔古臨  
川正莫春玉茗又開風景地丹青長憶綺羅人瞿唐迴  
櫂三生石迦葉聞箏累劫身酒罷江亭帆已遠歌聲猶  
繞畫梁塵

高念東少宰

珩

都門清明送客云故園小圃又東風杏

子櫻桃次第紅明日春明門外路清明消遣馬蹄中

李東白京山人工詩隱於衣工李本寧尚書兄弟皆與之游登黃鶴樓云鄂渚荻花沿岨白漢陽楓樹隔江紅後舟過雲夢哦詩船頭一笑赴水死

蕭詩字中素華亭人隱於木工博學善詩其警句云遼海吞邊月長城鎖亂山山寺落梅傷別易天涯芳草寄愁難從學者甚衆而執藝事如故

金陵黃九煙

周星

客嘉善有負擔者過市口吟哦不絕揖

入問之答曰崔姓名金友適偶得句耳徐出其詩一卷  
五言云水濶天垂遠花深月到遲七言云因風去住憐  
黃蝶與世浮沈笑白鷗吟思白社傾家釀坐對青山讀  
異書黃遂與之定交如平生云

白樂天自寫其集三本一置東都聖善寺一置廬山東  
林寺一置蘇州南禪院自云願以今生世俗文字之因  
轉為來世讚佛乘轉法輪之緣余昔亦嘗以漁洋集一  
本付楚雲師藏之南嶽一本付拙菴師藏之盤山昨門



人劉翰林太乙

青

言欲以八分手書余正續集藏之嵩

山少林寺亦香山居士後一段佳話

世人謂宋初學西崑體有楊文公錢思公劉子儀而不

知其後更有文忠烈趙清獻

朴

胡文恭

宿

三家其工麗

妍妙不減前人今所傳西崑倡和集則丁謂諸人也潞

公以功名清獻以清直著聞而詩格殊不類亦一奇也

金陵瑣事云神樓乃劉南坦尚書製為修煉者用竹箴

編成懸於屋梁僅可弓卧其上下收放之機皆自握之

不煩他人如陶靖節籃輿之類文徵仲為寫神樓圖諸  
詞人多詠之皆不得其旨余聞劉清惠好樓居而力不  
能構文徵仲作神樓圖以遺之楊升菴後神樓曲序亦  
云然皆所謂不得其旨者也

古今來詩佳而名不著者多矣非得有心人及操當代  
文柄者表而出之與煙草同腐者何限宋歐陽文忠謫  
夷陵許州法曹謝伯初景山以詩送之云長官衫色江  
波綠學士才華蜀錦張下國難留金馬客新詩傳與竹

枝孃明岳文肅

正

外謫欽天監博士馬軾送以詩云五

嶺瘴高煙蔽日兩孤雲濕雨鳴秋又云祭罷鱷魚歸去  
晚刺桐花外月如鉤使當時專門名家操觚腐豪未必  
能道也

先兄西樵和余秋柳句云折來玉手曾三月種向金城  
更幾年徐東癡

夜

和云為計使人西去日不堪流涕北

征年仲兄禮吉

士禧

弔潞府故宫云不知何處忘憂館宮

柳依依似漢年三桺年字皆工

李退菴侍郎有讀水經注憶洞庭一篇極佳余和之云  
楚望經時入渺冥岳陽樓上數峰青曾臨南極浮湘水  
坐對西風憶洞庭斑竹想從春後長落梅猶向笛中聽  
新詩吟罷愁多少腸斷當年帝子靈一時和者甚衆叔  
兄叔子士詩云相思何處折芳馨望斷黃陵舊日亭秋  
水依倚聞落葉楚天髣髴見揚靈洲邊子戌三春綠樓  
外君山一帶青太息雲中君在否不堪重問道元經

高念東侍郎祭告南嶽詩多佳略其五言絕句數首於

此行人到武昌已作半塗喜那識武昌南煙水五千里  
兩岼層層嶂孤城面面山橫襟憑一葉睥睨洞庭間未  
入衡州郭先見衡州城城門垂薜荔大抵似巴陵淥淨  
不可唾此語足千古天水澹相涵中有數聲鶻花放不  
知名稻秀猶能長芳草隱清流但聽清流響幾月舟行  
久今朝倦眼開萬峯飛舞處一片大江來南嶽雲中盡  
東流海上忙他年圖畫裏著我在瀟湘

劉勰文心雕龍論晉宋間詩云莊老告退山水方滋余

取其語以序宋牧仲太宰詩牧仲遂鐫小印曰山水方滋

治源在臨朐縣西南水竹勝絕世為馮氏別業酈注所謂水色澈明而清泠特異桂筍尋阪輕舟委浪是焉樓寄實可憑襟今有憑襟亭司馬文正記劉棻孟節隱野原蓋不考證之誤

襲勛字克懋章邱人少貧為人牧豕三十始補諸生時

縣人李太常

開先

袁西樓

崇冕

方尚金元詞曲勛獨與歷下

李于鱗殷正甫輩以詩古文相倡和終開平衛教授華  
鰲字空塵亦章邱人祖珩御史鰲工詩善畫有句云秋  
老留紅葉風輕轉白蘋愛此疎林月無之一磬清雨霽  
聞啼鳥風停數落花與李滄溟楊夢山相倡和姓名亦  
見楊升菴集

安邱馬長春三如順治丙戌舉人與從弟進士澄源思  
齊名三如有句云山田高于屋牛在屋上耕可謂善寫  
難狀之景造語不減馬第伯封禪儀記源思詠白丁香

云坐覺人顏澹開憐春日長亦工

長山劉孔和節之相國青岳先生

鴻訓

子為詩豪邁雄放

有東坡放翁之風明末率義旅南渡劉澤清忌而殺之  
有日損堂集一代奇才也題趙松雪宮女啜茗圖云秋  
宮肅肅古衣裳靜女無愁黛亦蒼不點疎螢和月色絹  
頭已作百年涼屋山遺恨捲黃沙彩筆王孫弗憶家忍  
向卷中摹舊事直須羞煞後庭花聽小史燕子彈琴云  
高梧脩竹曉沈沈侍子垂簾拂素琴聽盡明光三十段



碧池涼雨一時深

王遵坦字太平益都人太僕少卿帶如

滌

子博雅嗜古

詩學楊用脩源本樂府與劉公子節之倡和齊名有願  
學齋集題項王本紀云英雄竟以成敗論嗟哉帝王豈  
有真亞父不用乃考終淮陰逃死未央宮是知仁與不  
仁異楚亡漢王亦細事垓下何必更悲歌虞兮呂兮較  
若何詠古玉鏡子云世間銅臭久塵埋圓璧千年出洛  
街曉步想隨雙鳳珮晚妝應照九鸞釵微茫斑駁雲生

面錯落光明月入懷最好瓊樓伴仙子素娥斜捧上瑤  
階南渡依劉澤清澤清既殺劉節之王遂北走歸國隨  
肅王定蜀署四川巡撫卒於閬中

王若之字湘客益都人父基明戶部尚書若之以父任  
歷官河南參議性嗜古南渡避地姑孰圖書鼎彝之屬  
尚無兩後死金陵若之風神清曠如晉宋間人工詩及  
尺牘金陵見月云玉宇流孤月清光照雁聲似從千里  
外寄與故鄉明山中云驢背肩似山笠下眼如海時見

漁樵人行歌互相待江行云圖書蓑笠載輕舸雨雨風  
風去不停疑是煙波垂釣者居然呼吸有樵青

龔端毅

鼎

送人出塞云軍中轉粟青天上使者論功大

夏西

趙韞退觀察

進美

詠楓葉云郭外西風繞岼斜長林秋靜

有啼鴉微寒已入娟娟樹遠色初分澹澹霞千里題書  
臨白雁重陽疎雨暎黃花洞庭木葉傷心日寂寞懷人  
在水涯梨花云暮煙無語更依依清影含春望欲稀疎

近瑣窗留月照寒垂網戶見鶯飛共停閣外青絲騎細  
舞燈前白紵衣莫向後庭歌玉樹故宮風雨已全非

徐東癡

夜

春詞云一層楊柳一層風五里桃花十里紅

但是出游皆傍水逢人多半在城東青入緇鉤深復深  
非闕社日亦停鍼明朝撲蝶南園會預辦釵頭鬪草金  
當壚小婦太憎生記折梨花在古城日出未難非馬足  
暫休不肯是鶯聲戲馬臺連司馬橋城門開處馬蕭蕭  
君臣游覽飛花盡惟見秋千入碧霄一代才華怨落花

西清園內賦新茶年年指點風流業猶自垂楊綰暮鴉  
吳天章雯題雲林秋山圖云經營慘澹意如何渺渺秋  
山遠遠波豈但穠華謝桃李空林黃葉亦無多

顏脩來

光敏

曲阜人康熙丁未進士官考功郎中書法擅

一時於詩亦有功清流闕云身騎龍背上青霄路轉峰  
迴出麗譙雨氣全吞幽壑樹風聲直送大江潮渡江云  
天際揚帆一鳥輕四邊銀屋海門聲巨鼇已散扶桑島  
却怪神仙兩岼行長干云南郭浮屠高出霞下窺黃屋

如金沙四十門中響空籟吾將獨步青蓮花

韓畱字石耕北平人徧游吳越名勝客死平湖有句云  
春愁當二月酒渴起三更

胡介字彥遠錢塘人布衣食貧而妻與女皆能詩順治  
中游京師送人南歸云帆檣楚國羣鳥晚橘柚吳天一

雁晴介與淮陰邱曙戒

象升

季貞

象隨

兄弟善

王右丞畫孟襄陽吟詩圖至今流傳以為佳話宣和御  
府所藏又有厲歸真畫常建冒雪入京圖蓋當時文人

高士為世所艷慕如此

陳伯璣常語余姑蘇城外寒山寺夜半鐘聲到客船妙  
矣然亦詩與地肖故爾若云南城門外報恩寺豈不可  
笑耶余曰固然即如滿天梅雨是蘇州流將春夢過杭  
州白日澹幽州風聲壯岳州黃雲畫角見并州澹煙喬  
木隔絳州皆詩地相肖使云白日澹蘇州流將春夢過  
幽州不堪絕倒耶

馬或贈韓定辭詩別後巖嵒山上望羨君時復見王喬

按顏氏家訓云柏人城東北有孤山關駟九州志謂即大麓世俗呼為宣務山余嘗為趙州佐同太原王邵讀柏人城西門內碑碑是漢桓帝時為令徐整所立銘云上有巓嵒山王喬所仙巓字遂無所出嵒字依諸字書即旄丘之旄也入鄴為魏收道之收大嘉歎其作趙州莊嚴寺碑云巓嵒之精謂此也按此則馬詩當作莫毫反定辭即忠獻曾祖行東坡書此詩乃云不知何許人亦失於考據矣



淄川唐濟武翰林

夢賚

順治己丑進士官檢討以建言罷

歸與高念東侍郎倡和其詩源出蘇陸社燕云敬瑜詩  
賦同林鳥合德椒房共命禽細柳池塘音上下釀花天  
氣舞晴陰亦袁海叟白燕之比再至金陵云鬢鬢風柳  
綠絲偏畧似倡條髮覆肩却出秦淮相問訊于今不見  
已三年蓮葉田田蓮子稀風翻一片蕩漁磯祇如解制  
僧初散都著西天壞色衣答念東云青蘿洞口舊閒吟  
百道鳴泉百尺陰便說河豚堪一飽不應苦筍為抽簪

洪昇昉思問詩法於施愚山先述余夙昔言詩大指愚山曰子師言詩如華嚴樓閣彈指即現又如仙人五城十二樓縹緲俱在天際余即不然譬作室者斲甍木石一一須就平地築起洪曰此禪宗頓漸二義也

粵東有貝多樹余嘗於劉將軍署見之從者誤折一枝余惋惜攜歸使院植諸階墀值雨一昔而活菁蔥可愛余題詩壁間云貝葉無根插短籬一宵春雨發華滋他年誰續羊城誌記取漁洋手種時今二十餘年計已成

圖矣

余家舊藏倪雲林畫二軸其一題云瀟瀟風雨麥秋寒  
把筆臨摹強自寬賴有俞君相慰藉松肪筍脯勸加餐  
其一云高士江陰許士雍澱山湖裏泊煙篷秋來蓴菜  
鱸魚好亦欲東乘萬里風

穀城山好青如黛滕縣花開白似銀嘉定李長蘅

流芳詩

也余最喜之甲子使東粵往返兩過滕縣不見一花賦  
詩云薛北滕南幾問津遠山如畫黛眉新惟餘底事堪

怡悵不見花開白似銀長蘅畫學雲林亦是逸品門人  
陸生廷燦扶照近補刻嘉定四君子集余為之序大抵  
程孟陽之詩婁子柔之文長蘅之畫足稱三絕

薛行鵬少宗伯

所蘊

孟縣人明崇禎戊辰進士順治初有

詩名於京師常有句云千盤少室三花小九曲河流一  
帶黃人多稱之

余在廣陵衙齋有鶴十二每微雨輒矯翮引吭如得意

者汪茗文

玠

葉子吉

方藹

過揚州各籠其二歸吳中汪有

贈鶴記葉有長歌具載本集鶴產通州呂四場者嘴脰皆綠傳是仙種也

青谿故有張麗華小祠金陵圖經不載余少時客秦淮賦雜詩二十餘首而獨遺此因補賦二絕句云壁月依然瓊樹枯玉容猶似憶黃奴過江青蓋無消息寂寞青谿伴小姑臨春結綺已消沈遺廟荒涼碧蘚侵惟有青谿鳴咽水千年猶自怨韓禽

唐脩隋史書韓禽虎曰韓禽避廟諱也

劍州西郭有小祠祀鄧艾余以丙子再入蜀過之語州

守改祀姜維賦詩示之云申屠曾毀曹瞞廟常侍

高適還

焚董卓祠劍閣至今思伯約蜀巫翻賽棘陽兒

陳說巖

廷敬

相國少與余論詩獨宗少陵略記其一云晉

國強天下秦關限域中兵車千乘合血氣萬方同紫塞  
連天險黃河劃地雄虎狼休縱逸父老願從戎

李丹壑編脩

孚青

故友合肥文定公

天馥

子早慧能以詩世

其家然有別才如洛陽懷古云秋來張掾多歸思事去  
王郎少宦情殊有言外意

宣城諸梅號多才瞿山

清

輯梅氏詩畧余序之今惟耦

長

庚

在耦長工詩畫琴谿云田家桑落酒風物藥租魚

落梅云背城花隄得春遲凍雀銜殘尚未知聞說綠珠  
堪絕世我來偏見墜樓時

杜茶村

濬

送人入蜀云古意淮南葉他鄉劍外州不減

古作

龍石樓

變

中允作瓊花夢傳奇成招余輩觀之余酒闌

賦八絕句有自描檀痕親顧曲江東誰似阿龍超之句

獨門人蔣靜山

錫仁

和云玉崑侖碎為檀超余讀而歎曰

蔣五此押擅場矣

鄧孝威

漢儀

過大庾嶺云人馬盤空細煙嵐返照濃極是

畫意

德州田

霖

字子益戶侍綸霞弟也有句云采藍浮野岼

澹墨上春鱗

門人殷彥來

譽慶

集句贈余云一時賢士皆從其游天下

文章莫大乎是



合肥李相國容齋

天韻

服闋入都其壬戌諸門生已多通

顯置酒新第翰林侍讀學士史胄司

變

即席賦詩曰郎

君館閣稱前輩弟子門牆半列卿時比於唐人鸞掖鯉

庭之句

門人湯西厓

右會

光祿題辰龍關云東馬懸厓險關門鬱

不開居然橫戟地曾此挂弓回浩蕩妖星落蒼茫角吹

哀兵家爭間道為語勒銘才

漁洋詩話卷中